

MBSB BANK HARGAI PELANGGAN SETIA DI MAJLIS PENYAMPAIAN HADIAH KEMPEN ‘SIMPAN BERGANDA MENANG BERGAYA 2.0’ CASA-i

PETALING JAYA, 11 Mac 2023 – Bagi menghargai para pelanggan setianya, MBSB Bank Berhad (MBSB Bank) telah menganjurkan majlis penyampaian hadiah untuk kempen ‘**SIMPAN BERGANDA MENANG BERGAYA 2.0’ CASA-i** (SBMB 2.0) bagi suku pertama yang berlangsung di Pasar Raya MYDIN di Tunjong, Kota Bharu hari ini.

Hadiyah-hadiyah kepada pemenang Kategori Cabutan Utama dan juga Kategori Cabutan Simpanan Tinggi Serantau di Wilayah Pantai Timur disampaikan oleh Ketua Pegawai Operasi MBSB Bank, Jesleigh Johari.

Mengulas tentang pencapaian SBMB 2.0, beliau berkata, “Kempen ini yang dijalankan buat kali kedua berikutan kejayaan SBMB 1.0, menunjukkan bahawa para pelanggan kami sangat berminat untuk menyertai kempen seperti ini. Semenjak bermulanya penganjuran SBMB 2.0, kami dapat melihat peningkatan penyertaan sebanyak 90% berbanding tahun sebelumnya.”

Tambah beliau lagi, “Kami amat bersyukur dan berterima kasih kepada kesemua para pelanggan setia yang menyertai kempen ini dan di atas sokongan berterusan terhadap MBSB Bank. Kami akan terus menawarkan kempen-kempen menarik untuk manfaat semua pihak.”

Pemenang bertuah yang berasal dari Kuala Terengganu, Mohamad Jefri Mohamad, membawa pulang sebuah kereta mewah Mercedes Benz A 200 setelah memenangi Cabutan Utama untuk suku pertama SBMB 2.0.

Manakala empat lagi pemenang, Low Beng Cheong, Low Wan Choon, Kamarudin Yahya dan Zulkeflee Ismail masing-masing memenangi wafer emas bagi Cabutan Simpanan Tinggi Serantau di Wilayah Pantai Timur.

Kempen SBMB 2.0 yang bermula pada 1 September 2022 dan akan berakhir pada 31 Mei 2023 menawarkan pelbagai hadiah menarik bernilai RM2.4 juta termasuklah kereta mewah, motosikal, telefon pintar dan wang tunai. Kempen ini terdiri dari tujuh Kategori Cabutan iaitu Bulanan, Kesetiaan, Simpanan Baharu, Digital, Simpanan Tinggi Serantau, Istimewa serta Utama.

Kepada yang berminat untuk menyertai kempen SBMB 2.0, penyertaan boleh dilakukan melalui pembukaan Akaun Simpanan atau Akaun Semasa Primewin-i dengan jumlah deposit minimum bernilai RM100 di mana-mana cawangan MBSB Bank, atau dalam talian, di laman sesawang MBSB Bank, www.mbsbbank.com.

-Tamat-

Untuk sebarang pertanyaan media, sila hubungi:

Nik Surina Suria Nik Abdullah
Jabatan Pemasaran & Komunikasi Strategik
Bahagian Perkhidmatan Korporat
MBSB Bank Berhad
E: niksurina@mbsbbank.com
M: 013 367 6488

Najihah Abdullah Sani
Jabatan Pemasaran & Komunikasi Strategik
Bahagian Perkhidmatan Korporat
MBSB Bank Berhad
E: najihah@mbsbbank.com
T: 03 7455 5567

Mengenai MBSB Bank Berhad

MBSB Bank Berhad (MBSB Bank) merupakan sebuah Bank Islam sepenuhnya di Malaysia yang menyediakan kemudahan perbankan patuh syariah kepada pelanggan runcit dan korporat. MBSB Bank, melalui keupayaan digitalnya, memperluaskan saluran perkhidmatan secara dalam talian seperti perbankan mudah alih dan cawangan maya. Pada masa yang sama, MBSB Bank menyasarkan untuk membawa impak positif dan mampan kepada ekonomi, komuniti dan alam sekitar dengan menggunakan pakai Matlamat Pembangunan Lestari Pertubuhan Bangsa-Bangsa Bersatu (UNSDG) dalam operasinya. Melangkah ke hadapan, MBSB Bank memfokuskan ke arah menjadi institusi kewangan Islam yang matang sepenuhnya menjelang tahun 2025 yang dijenamakan sebagai Journey25 (J25).